

皇朝通志



皇朝通志卷四十八

諡略一

臣等謹按諡法始于成周歷代因之各有增損鄭樵作諡略列爲二百有十品前後繫以諸論考核纂詳臣等恭讀御製詠諡法詩案語嘉許鄭樵成周初無惡諡之論聖訓煌煌昭如日月洵千古諡法之折衷

也伏攷前代議諡多委太常博士諸臣定之往往失當未有如本朝諡典之悉稟上裁斟酌盡善者洪

惟列祖列宗聖德神功列后徽音令德昭融顯懿卓躒前古書之史冊允矣熙鴻

號于萬年至若諸王貝勒及內外大臣之例得請者禮臣先以應否予諡奏俟得旨後閣臣擬以四字恭候

欽定迺非前代議諡議駁聚訟糾紛者比又有以文臣品學而追諡者有以監司守令盡節而獲諡者又如

改正前史之失追諡勝國之君皆爲特典我世祖章皇帝定鼎之初卽下所司定明季甲申諸臣之

諡皇上表彰忠烈復特頒諭旨于故明殉節諸臣分析褒獎賜以令諡尤爲從古未有之曠典臣

等敬謹纂輯諡略八卷用備考稽昭掌故焉

〇〇〇列聖尊諡

肇祖原皇帝興祖直皇帝景祖翼皇帝顯祖宣皇帝俱順治五年十一月追尊恭上

崇德元年四月丙戌太宗文皇帝率諸貝勒大臣詣太祖追尊始祖爲澤王

高祖爲慶王曾祖爲昌王祖爲福王順治五年十一月戊辰以奉

四祖入廟世祖章皇帝親詣太廟追尊爲肇祖原皇帝興祖直皇帝

景祖翼皇帝

顯祖宣皇帝恭上

冊

寶

太祖承天廣運聖德神功肇紀立極仁孝睿武端毅欽安弘文定業高皇帝

乾隆元年三月恭加上

崇德元年四月丙戌

太宗文皇帝率諸貝勒大臣詣

太廟恭上

覆育列國英明皇帝

尊諡曰

承天廣運聖德神功肇紀立極仁孝武皇帝

廟號

太祖康熙元年四月丙辰恭

加上

尊諡曰

太祖承天廣運聖德神功肇紀立極仁孝睿武弘文定業高皇帝雍正元年八月己

酉恭加上

端毅二字乾隆元年三月乙巳恭加上

欽安二字

康熙六十一年十二月

世宗憲皇帝諭禮部曰朕仰荷

祖宗眷佑繼承大統恭上

皇考聖

祖仁皇帝

尊諡敬念

太祖高皇帝

太宗文皇帝

世祖章皇帝

三聖相承

功高德盛載考典章加上

尊諡因念

孝莊太皇太后翼運啟期育成

兩帝朕在冲齡

備膺

慈愛

孝康皇太后誕育

先皇

懿徽流慶

孝惠皇太后德隆福厚篤愛

朕躬朕意亦宜並加

尊諡但追尊固出至情而推崇必遵定禮爾等可稽考載籍酌古準今會同確議具

奏俾朕得稍展思慕之誠又念

仁孝皇后作配

皇考孝敬寬仁坤儀懋著

孝昭皇后恪恭

溫順樹範宮闈

孝懿皇后徽音淑德慈撫朕躬恩勤備至均應恭上

尊諡以昭示萬年爾等一併

會同詳察典例擬奏遵

旨議上

太祖高皇帝尊諡於

睿武宇下加

端毅二字雍正

元年八月己酉上

冊

寶雍正十三年九月乙巳

皇上諭禮部曰尊

祖孝

親

誼應並重報本追遠禮有加隆茲者恭上

皇考大行皇帝尊諡緬維貽燕之謨宜備追崇之典

太

祖高皇帝

太宗文皇帝肇造洪基創垂大業

世祖章皇帝統一方夏撫有萬邦駿烈鴻猷敷揚莫

馨

皇祖聖祖仁皇帝深仁厚澤淪浹寰區久道化成功齊覆載朕自沖齡仰蒙

慈愛

宮庭

撫育厚眷獨鍾仰思

至德之難名恆念

洪恩之莫報夫宗廟之徽稱有制而報本之忱惻無窮應

詳查典禮酌古準今恭議加上

太祖

太宗

世祖

聖祖尊諡以展孝思此朕追慕之

至情崇先之特典後世子孫不得奉為成式又敬念

列祖尊諡既已加崇

列后尊諡並應議加

上爾部詳酌典禮一併敬謹具奏遵

旨議上

太祖高皇帝尊諡於

端毅字下加

欽安

二字乾隆元年三月乙巳恭上

冊

寶

太宗應天興國弘德彰武寬溫仁聖睿孝敬敏昭定隆道顯功文皇帝

乾隆元年三月恭加上

順治元年十月辛酉恭上

寬溫仁聖皇帝

尊諡曰

應天興國弘德彰武寬溫仁聖睿孝文

皇帝

廟號

太宗康熙元年四月丙辰恭加上

隆道顯功四字雍正元年八月己酉恭加上

敬敏二字乾隆元年三月乙巳恭加上

昭定二字

世祖體天隆運定統建極英睿欽文顯武大德弘功至仁純孝章皇帝

乾隆元年三月恭加上

順治十八年正月己未

聖祖仁皇帝諭禮部曰朕惟自古聖賢之君必有顯號徽稱用昭功德之隆垂于

萬世此國家不易之鉅典也仰惟我

皇考大行皇帝繼紹鴻緒統一寰區十有八年敬

天尊

祖勤政愛民奉侍

慈闈克諧孝道敦睦宗族攸敘彝倫典學日新修身思永制禮作樂振武崇文敕法

明刑立綱陳紀盛德之事不一而足朕方與天下臣民均切怙戴不幸

龍馭上賓顧予冲人嗣膺大統仰

承 佑啟之恩敢後顯揚之禮謹考彝章宜升 尊諡戊寅親王等上 大行皇帝尊諡議曰謹

案自古有天下者祖有功而宗有德故凡勳高大定功垂奕葉者類皆稱祖以尊之其廟祀百世弗祧此世所由

稱也又按諡法法度大明敬慎高明曰章洪惟 大行皇帝神武止戈崇文勸學恩澤覃敷于庶物孝治立

極于人倫德固懋昭功尤隆著是以化行教洽遠至邇安生民以來莫斯為盛臣等謹咨羣議載考彝章

大行皇帝尊諡宜 天錫之曰 體天隆運英睿欽文大德弘功至仁純孝章皇帝 廟號 世祖得 旨是著該衙門擬撰冊文進覽三月癸酉恭奉 冊 寶上 尊諡雍正元年

八月己酉恭加上 定統建極四字乾隆元年三月乙巳恭加上 顯武二字

聖祖合天弘運文武睿哲恭儉寬裕孝敬誠信中和功德大成仁皇帝 乾隆元年三月恭加上

康熙六十一年十一月辛丑 世宗憲皇帝諭王大臣等曰朕惟自古聖賢之君必有顯號徽稱以昭功德

之盛垂于萬世此國家不易之鉅典也仰惟我 皇考大行皇帝臨御六十一年早承大統寅畏小心旦明

凜昭格之忱 郊祀親升中之典監于成憲率由舊章孝奉 兩宮尊養兼至展敬 陵

廟備物盡誠總覽萬幾阜成兆姓蠲賦動盈千萬賑恤曾不稽時水旱先籌雨暘必達寬刑肆赦德洽好生盛暑

則釋圜囹嚴寒則賑饘粥兵糧豫給優賞屢頒淮甸屢巡動數百萬之帑金運 睿謀而兩河底績魯郊

特幸行數千年之殊禮屆 帝尊而九拜崇師覽奏牘而利弊周知觀臣僚而賢愚立辨保全勳舊庇

膺宗支廣育人才敦厚風俗布昭 聖武申討不庭元裔背叛而旋踵就殲三孽逆命而刻期獻馘俄羅斯

占喀爾喀之疆圍諭以威德即奉約章喀爾喀逼厄魯特之殘暴納其困窮胥登衽席噶爾丹肆毒鄰境三臨絕

漠掃靖烽烟策妄阿喇布坦摧滅與國出師命將恢復藏地臺灣置郡紅苗革心南朔東西無思不服至于

天縱生知日新好學講筵時御

手定六經廣博士于五賢配先儒于十哲文魏二典書邁百家貫徹天

文總括地理旁羅數術考正元聲研索羣編鑒裁纂輯凡此難名之美善洵亙古帝王首出之

一人雖復

累牘連章不能紀述萬一朕方與天下臣民均切怙戴不意

龍馭上賓顧予冲人嗣膺大統仰承

佑啟之恩敢後顯揚之禮敬者彝章宜升

尊諡爾部詳察典禮具奏乙巳總理事務王大臣等奏

大行皇帝

尊諡

廟號乃追崇大典臣管窺蠡測未能仰盡高深恭祈

睿思

親定以

昭垂萬世

世宗憲皇帝召進總理事務王大臣大學士尙書等

面諭曰恭上

皇考大行皇

帝

尊諡

廟號諸王大臣等請朕親定朕思子臣尊崇

君父之心何有止極然必須至允至

當方乎千秋定論若少有溢美之詞不獨失天下之至公且開後人之僭越是因臣子之愚忠愚孝反將

君父盛德大業之實行涉于贊頌之虛文朕心殊不安也我

皇考大行皇帝繼繼大統舊典本應稱宗但

經云祖有功而宗有德我

皇考鴻猷駿烈冠古轍今拓宇開疆極於無外且六十餘年

手定太平

德澤恩溥萬國來王論繼統則爲守成論勲業則實爲開創朕意宜崇

祖號方副

豐功但追崇大

典攸關理宜僉謀共協一人之心卽千萬人之公心一時之論卽千萬世之公論爾諸王大臣等可會同九卿詹

事科道文六品以上武四品以上詳考舊章從公確議毋得依違毋得附和務期紀實以垂萬年若少有幾微未

協知而不言則大非臣子忠愛之道王等文武諸臣議奏

大行皇帝功德巍巍煥高出三代以上之聖主賢

君雖集古今之徽名美號猶不足表揚萬一

大行皇帝聖學淵深言成謨典尊師崇道

手定六經

禮正樂成誕敷文教此堯之文思也聲靈所震無思不服開拓宇宙混同車書不庭旋服逆命卽收止戈包革天下宴安此湯之神武也明四目達四聰無遠不周無微不燭知來藏往觀化窮神此舜之濬哲也一日萬幾孜孜無倦深宮燕處不敢康寧盛暑必衣冠嚴冬必聽政此堯之允恭也玉食不盈數器御衣常至十年物用無金璧之裝宮殿無繁華之飾此禹之克儉也蠲賦免徭緩刑恤獄澤厚宗支賞優士伍秉中和之性具含容之量小過多原寸長不棄六十餘年民物各遂其生者皆 大行皇帝寬裕之恩也定省 兩宮時日無間奉養

備至禮數兼隆此

大行皇帝承歡之大孝也恢

三朝之功烈宏大統之規模區夏咸寧聲教四洽

此

大行皇帝繼述之大孝也寅畏小心恪勤克慎

躬親

郊祀嚴肅致齋此

大行皇

帝之敬

天也憲章典訓對越

在

天

廟祭致虔如臨左右此

大行皇帝之敬

祖也健行無怠成已成物精意由中修詞立本出教施令達乎民心此

大行皇帝之誠也虛已待

物不逆詐僞履常思順不爽片言此

大行皇帝之信也具仁義禮智信之全備溫良恭儉讓之美自堯舜

以來未有如

大行皇帝德之盛者八表宅心九有向化西北部落輻輳藁街東南諸番頓顙 闕下兩河

底績成萬年永濟之勳海外咸朝開萬里難通之域自堯舜以來未有如

大行皇帝功之大者

天

地化育有未周者

大行皇帝實贊之

祖

宗經綸有未竟者

大行皇帝實宏

之孔子集千聖之大成

大行皇帝集百王之大成也臣等謹案傳云爲人君止於仁禮運曰仁者義之本

順之體也得之者尊說文云在天爲元在人爲仁故易曰元者善之長仁者德之首

大行皇帝體元立政

茂育羣生以義制事綏安兆姓臣等竊謂史稱帝堯其仁如天惟

大行皇帝實與並之又按禮經云有虞

氏禘黃帝而郊嚳祖顓頊而宗堯而尙書舜典云舜格于文祖釋者謂文祖堯廟也又歸格于藝祖釋者謂藝祖堯之祖也合之祖顓頊之文則有虞氏蓋有三祖矣宋臣陳祥道云凡配天者皆得稱祖故國語展禽又有有虞氏祖高陽而郊堯之說堯所以稱文祖也顓頊至堯皆黃帝子孫而不嫌于皆稱祖又周禮大宗伯禘祫追享朝享解云古者朝廟合羣祖而祭焉故禘謂之朝享以合羣祖爲不足又禘其祖之所自出故禘謂之追享夫祖之所自出始祖也而其下曰羣祖知其始祖以下皆稱祖矣自唐虞夏商無追王先代之文而武王周公追王太王王季以臣子而王其君祖孔子稱爲達孝故記曰武王上治祖禘尊尊也又諡議曰帝王功業隆盛引古者祖有功之義得稱祖此皆經書所載稽考可據者也竊謂惟

祖號可以顯章

大行皇帝之隆功

上諭謂

大行皇帝論繼統則爲守成論勳業實爲開

創朕意宜崇

祖號方副

豐功此非

皇上及諸臣數百人之心實天下億兆之公心亦非今日在廷諸臣之論實千萬世之公論也臣等公擬敬上

敬誠信功德大成仁皇帝

廟號曰

聖祖天下萬世稱曰

臣官員深悉我

皇考一生神聖實行同心合詞恭上

尊諡曰

聖祖仁皇帝奉

旨諸王大

諭畢

世宗憲皇帝親刺指血圈本內

聖祖二字敬恭高捧授大學士等齋出宣示羣臣雍正元年

二月乙巳恭奉

冊

寶上

尊諡乾隆元年三月乙巳恭加上

中和二字

世宗敬天昌運建中表正文武英明寬仁信毅大孝至誠憲皇帝

雍正十三年十一月恭上

諭禮部曰自古聖帝明君功德大成必有顯號徽稱以昭垂萬

雍正十三年九月己亥

皇上登極庚子

四

世典至鉅也我 皇考大行皇帝乘乾建極撫御萬邦錫福誠民德化翔洽虔恭寅畏昭事 蒼穹郊

祀祈年必親必敬欽承 祖烈光大前猷至孝肫誠千古未有當 皇祖上賓時盡制盡哀喪儀隆備

親送 梓宮 屢謁 陵寢歲時瞻拜 御容舉念常伸孺慕繼 顯謨之盛

推錫類之仁 宸衷祇敬則朝乾夕惕歷久彌勤 親政憂勞則盛暑祈寒未嘗稍間整綱飭紀明目

達聰施措咸宜德威並用篤宗室則立學以降教育惠八旗則錫帑以備吉凶厚臣工而加俸養廉眷忠良而建

祠賜祭勵廉能以察吏宏薦拔以羅才廣耕田以重農桑定品式以崇節儉重道則 經筵歲舉愛士則科

目頻加隆 先師五代之王封新闕里千秋之廟貌修明典禮懷柔百神厚植綱常旌揚節孝蠲逋減賦不惜

億萬之帑金開墾築隄永享萬年之樂利備賑則廣行積貯養兵則優贍身家律例則釐定科條讞決則特詳咨

酌廣開言路詳示 硃批洞囑羣情慮周六合大閱以詰戎兵訓練以修武備 睿謨獨運而小醜立

奏蕩平 聖武布昭而荒徼永圖綏靖開天明道 聖學高深覺世牖民 宸章炳煥闡聖賢之

精蘊宣心性之圓機涵蓋古今彪燦宇宙 天心協應有感必通德盛化神諸瑞畢至古帝王之良法善政

至 皇祖而集其大成我 祖 宗之駿烈鴻猷迨 皇考而益彰善述眇予冲子寅奉不

基仰惟 功德之隆宜備尊崇之典敬循禮制恭上 尊諭 廟號爾部詳察典禮具奏是日禮

部奏謹查康熙六十一年恭上 聖祖仁皇帝 尊諭 廟號奉 大行皇帝諭旨以追崇

大典攸關理宜僉謀共協令諸王大臣等會同九卿詹事科道文官六品以上武官四品以上詳著舊章從公確

議今 大行皇帝 尊諭 廟號禮制崇重臣等謹遵舊典仍請會同諸王大臣齊集廷臣詳慎

公議昭垂萬世奉

諭旨是敬謹確議具奏是月乙巳王等文武諸臣議奏自古帝王撫馭寰區功德隆盛有

博厚高明之實則必有隆燦顯懿之名是故于堯曰欽明文思于舜曰濬哲文明所以著盛德之形容而垂萬年之軌則也欽惟 大行皇帝丕冒八埏曲成萬物有與 天同體之德有敬 天行健之功祇奉

郊壇必親薦享端居宮禁亦凜明威賜雨偶愆齋心而默禱嘉祥屢告讓美而弗居昭事存乎旦明感通捷於影響當 天庥之滋至繇 景運於方隆撫 列聖式廓之版章益漸之以聲教取四海咸

熙之臣庶更霑之以恩膏安愈求安 聖不自聖惟精惟一建中於民克儉克勤表正自上執權衡以御物

偏黨之習潛消定模範以示人仁讓之風溥洽官常于是而肅士品于是而端民俗于是而淳物情于是而暢嘉

禾芝草醴泉慶雲之瑞充塞于寰中荷蘭日本暹羅蘇祿之琛輻輳乎 闕下凡此運會之彌昌彌熾皆由

聖德之可法可傳至乃學貫天人辭成典誥敷治平之大道闡性命之微言歲舉 經筵首詣太學新闢

里千秋之廟貌隆 先師五代之王封廣勵膠庠修明典禮定宗學之制開 國書之科博訪鴻儒徧立書院

大行皇帝之誕敷文教有如此者惟仁必勇不怒而威選將悉有用之材練兵于無事之日 天戈

所指青海獻俘 帝命甫申西陲納款化蠻荒為郡縣靖蕃落于邊隅 大行皇帝之布昭聖武有如

此者志邁百王心通庶務事無難易銳若發機人有忠邪洞如觀火謀略出羣工之上照臨周六合之遙

大行皇帝之英姿天挺明睿夙成有如此者坦懷應物博愛為心不以一眚棄才不使一夫失所惇敘九族容保

萬方厚百官而倍與廩稍惠八旗而時加恤賚閭井必預謀其樂利兵丁各優贍其身家減賦蠲逋不惜帑金之

億萬詳刑讞獄允釐令典之三千盛暑而曲貸囚徒小視而徧贖貧戶 大行皇帝之寬則得衆仁以長人

有如此者道循物而無違德有常而不息本實心以宣爲政令春溫秋肅儼如四序之罔愆由定力而發爲憂勤
肝食宵衣不以片時而少斂 大行皇帝之信必由中毅以持久有如此者經曰聖人之德無以加于孝我

大行皇帝昔在藩封晨昏盡禮及傳丕緒哀敬竭情

親送

梓宮

屢謁

陵寢

三載始還吉服四時恆拜

御容體

聖祖之心以爲心法

聖祖之政以爲政耕藉著爲定例

爰奉

太廟之粢盛賢良建有專祠尤

眷先朝之耆舊德教加于百姓孺慕極于終身大烈光前貽

謀昌後孔子稱虞舜曰大孝惟

大行皇帝足以當之若夫誠者天之道也成已成物之全德也我

大行皇帝以此享

帝享

親以此盡心盡性以此用人行政以此覺世牖民諸臣敬奉之

殊

批萬國共聞之

諭旨固已言之諄復莫不凜爲典章暨夫

龍馭上賓

特頒遺詔敬聆至誠

之 訓仰思無間之

功

聖學高深渾然一理

神明沖穆儼在重霄子思曰惟天下至

誠爲能經綸天下之大經立天下之大本知天地之化育惟

大行皇帝足以當之夫中以宅心正以體政

文以數化武以定功英以決疑明以燭理寬以居之仁以行之信以成之毅以守之而皆本之于大孝運之以至

誠此洵

聖德之全與

天同體可爲萬世法者也臣等按虞書曰率作興事慎乃憲書傳曰憲法也

說命曰惟天聰明惟聖時憲又曰監于先王成憲周禮疏曰懸法以示人曰憲中庸亦云憲章文武蓋惟憲天立

教之聖人然後能慎法度興政事俾萬世奉爲成憲守而不忘若虞舜商湯周之文王武王皆是也竊謂

大行皇帝

尊謚于憲爲宜又按禮記祖有功宗有德是故有虞氏祖顓頊而宗堯夏后氏祖顓頊而宗禹

商人祖契而宗湯周人祖文王而宗武王周公作無逸則稱商有三宗周文武之廟並稱世室公羊傳曰世世不

毀也中庸曰君子動而世爲天下道行而世爲天下法言而世爲天下則竊惟 大行皇帝 廟號宜

稱 世宗與 太祖 太宗 世祖 聖祖並爲百世不祧之廟臣等公擬敬上

尊諡曰 敬天昌運建中表正文武英明寬仁信毅大孝至誠憲皇帝 廟號曰 世宗天下

萬世稱曰 世宗憲皇帝足以顯揚 大德表著 巍功與日月而齊光偕山河而並永矣謹奏

奉 諭旨諸王大臣公同議上 皇考大行皇帝 尊諡曰 憲皇帝 廟號 世

宗於我 皇考至德鴻猷實相符合禮稱祖有功宗有德廟號之稱祖稱宗均屬尊崇之極而象功昭德惟

期允當方協至公昔我 皇祖聖祖仁皇帝久道化成身兼創守平定逆藩掃清朔漠神功駿烈自古莫與

比隆 廟號定應稱祖 皇考大行皇帝善繼善述敬 天勤民十三年來宵旰憂勞咸熙庶績

貽萬年之景福固百代之丕基 廟號 世宗正合古宗有德之義上配 列祖百世不祧此乃

天下萬世之定論非在廷諸臣尊崇君父敷揚稱頌之私情尤非朕一人哀感 隆恩表彰 盛德之

私願所能殫置一詞也在我 皇考神謨垂於宇宙厚澤洽於臣民卽罄竭揄揚難盡萬一今據所奏敬擬

上 尊諡 廟號詳慎公當足以昭示萬年朕心深爲慰愜所有應行典禮該部敬謹查議具奏十一

月丁未恭奉 冊 寶上 尊諡

皇朝通志卷四十九

諡略二

○○○列后尊諡

原皇后

直皇后

翼皇后

宣皇后

俱順治五年十一月追尊恭上

孝慈昭憲敬順仁徽懿德慶顯承天輔聖高皇后

乾隆元年三月恭加上

崇德元年四月丙戌恭上

孝慈昭憲純德貞順成天育聖武皇后尊諡康熙元年恭改上

尊諡曰

孝慈昭憲敬順慶顯承天輔聖高皇后雍正元年八月己酉恭加上

仁徽二字乾隆元年三月乙

已恭加上

懿德二字

孝端正敬仁懿哲順慈僖莊敏輔天協聖文皇后

乾隆元年三月恭加上

順治七年二月丁酉恭上

孝端正敬仁懿莊敏輔天協聖文皇后尊諡雍正元年八月己酉恭加上

哲順二字乾隆元年三月乙巳恭加上

慈僖二字

孝莊仁宣誠憲恭懿至德純徽翊天啟聖文皇后

乾隆元年三月恭加上

康熙二十七年正月辛巳

聖祖仁皇帝諭禮部曰

大行太皇太后聖德母儀昭示萬國昔奉我

皇祖太宗文皇帝贊宣內政誕育我

皇考世祖章皇帝顧復劬勞受無疆休大一統業朕踐阼方在

沖齡仰荷我

聖祖母訓誨恩勤以至成立晨昏依戀三十餘年方期淳享遐齡茂膺繁祉詎意適遭違豫

奄忽上賓朕哀疚之深五中摧絕昊天罔極報德實難緬惟厚澤深仁信足炳傳簡冊非薦隆號莫展哀誠宜恪

遵彝憲恭上

尊諡垂示無窮以慰朕尊親之意著內閣翰林院詹事府會同擬奏其應行典禮爾部詳議

以聞內閣等衙門恭擬

尊諡二道進呈奉

旨應上

太皇太后尊諡曰

孝莊仁宣誠

憲恭懿翊天啟聖文皇后十月乙卯恭上

尊諡雍正元年八月己酉恭加上

至德二字乾隆元年

三月乙巳恭加上

純徽二字

孝惠仁憲端懿慈淑恭安純德順天翼聖章皇后

乾隆元年三月恭加上

康熙五十六年十二月己亥大學士馬齊嵩祝李光地蕭永藻王揆奏查康熙二年恭上

慈和皇太后尊

諡內閣翰林院擇二十四字分爲兩條具奏奉

旨尊爲

孝康慈和莊懿恭惠崇天育聖今恭上

大行仁憲恪順誠惠純淑端禧皇太后尊諡臣等會同翰林院依例敬擇具奏奉

旨此奏甚屬錯誤

爾等恭瞻

太廟

奉先殿二位

文皇后神主便知其誤矣庚子大學士等奏臣等遵

旨恭詣

太廟謹瞻

神位見

孝端

孝莊兩太皇太后並從

太宗文皇帝廟號

俱有文字臣等愚昧查康熙二年

慈和皇太后尊諡舊檔僅擬

尊諡字樣具奏未將康熙九年奉

旨

慈和皇太后從

世祖章皇帝廟號升祔

太廟之例不以

章皇后字樣一

併寫出甚屬錯誤因將所擬字內敬寫

章皇后字樣具奏得

旨此事不比尋常但聲明錯誤則已

該部嚴察具奏所擬

尊諡亦未明晰朕記

太皇太后徽號字樣甚多卽就原

徽號字內刪

減議定並未改換今通行改擬恐於例有不合丙午大學士等奏臣等恭查舊檔

太皇太后徽號原有

昭聖慈壽恭簡安懿章慶敦惠溫莊康和仁宣弘靖二十字

賓天之後恭上

尊諡將原字減

去十五字留五字又添擬七字尊爲

孝莊仁宣誠憲恭懿翊天啟聖文皇后升附

太廟

慈

和皇太后徽號原有

慈和二字後尊爲

孝康慈和莊懿恭惠崇天育聖皇后康熙九年升附

太廟時添寫

章字

大行皇太后徽號原有

仁憲恪順誠惠純淑端禧十字今欽遵

上諭照追上

太皇太后尊諡例將原字內留五字添擬七字尊爲

孝惠仁憲端懿純德順天翼

聖章皇后又將原字內留四字添擬八字尊爲

孝惠仁憲莊定端純順天翼聖章皇后恭候

皇上

訓示得

旨前一條所擬是五十七年三月辛酉恭上

尊諡雍正元年八月己酉恭加上

慈

淑二字乾隆元年三月乙巳恭加上

恭安二字

孝康慈和莊懿恭惠溫穆端靖崇天育聖章皇后

乾隆元年三月恭加上

康熙二年五月甲午恭上

大行慈和皇太后尊諡曰

孝康慈和莊懿恭惠崇天育聖皇后康熙九

年二月庚戌

聖祖仁皇帝諭禮部曰

慈和皇太后誕育朕躬未遂孝養思慕之忱每切於懷雖已

上

尊諡但今升附

太廟配食

皇考典禮關係重大其應進

諡號著議政王貝勒大

臣九卿科道會同詳議具奏是月丁巳議政王等恭議

太祖高皇帝

皇后稱

高皇后

太宗文皇帝

皇后稱

文皇后今

慈和皇太后配祀

世祖章皇帝前上

孝

康慈和莊懿恭惠崇天育聖尊諡亦宜加上

尊諡爲

章皇后得

旨是五月丙辰朔恭加上

尊諡雍正元年八月己酉恭加上

溫穆二字乾隆元年三月乙巳恭加上

端靖二字

孝誠恭肅正惠安和淑懿儷天襄聖仁皇后

乾隆元年二月恭加上

皇

月

卷四

一

山

諡略

略

略

略

略

略

略

略

略

略

略

略

略

略

略

略

略

略

略

略

略

略

略

略

康熙十三年五月辛未 聖祖仁皇帝諭禮部曰皇后赫舍哩氏作配朕躬已經六載上事 太皇太

后 皇太后克盡誠孝佐朕內治尤極敬勤節儉居身寬仁逮下宮闈式化淑德彰聞茲於康熙十三年五

月初三日崩逝惻懷懿範痛悼彌深宜有稱諡以垂永久著內閣翰林院會同擬奏應行典禮爾部詳察以聞大

學士等恭議上 尊諡曰 仁孝皇后得 旨是六月庚申行 冊諡禮康熙六十一年十

二月追上 尊諡曰 仁孝恭肅正惠安和儷天襄聖皇后雍正元年四月改上 尊諡曰

孝誠恭肅正惠安和儷天襄聖皇后九月庚辰恭加上 尊諡曰 孝誠恭肅正惠安和儷天襄聖

仁皇后乾隆元年三月乙巳恭加上 淑懿二字

孝昭靜淑明惠正和安裕欽天順聖仁皇后 乾隆元年二月恭加上

康熙十七年三月癸酉 聖祖仁皇帝諭禮部曰皇后鈕祜祿氏端懿夙著作配朕躬奉事 太皇太

后 皇太后恪恭婉順殫竭孝忱正位宮闈節儉寬仁克襄內治芳型伊始淑德彌彰茲於康熙十七年二

月二十六日崩逝追念疊儀良深痛悼宜有稱諡以垂永久著內閣翰林院會同擬奏其應行典禮爾部詳察速

議具奏大學士等恭議上 尊諡曰 孝昭皇后得 旨依議閏三月辛酉行 冊諡禮康

熙六十一年十二月恭上 尊諡曰 孝昭靜淑明惠正和欽天順聖皇后雍正元年九月庚辰恭加

上 仁字乾隆元年三月乙巳恭加上 安裕二字

孝懿溫誠端仁憲穆和恪奉天佐聖仁皇后 乾隆元年三月恭加上

康熙二十八年七月壬寅 聖祖仁皇帝諭禮部曰皇后佟氏淑德夙成芳徽懋著侍奉 皇太后克